



SAKSFRAMLEGG

Sakshandsamar: Joachim Mathisen	Arkivkode: FA-Q10
Arkivsaksnr: 19/1118	Løpenr: 23/4975
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	01.06.2023	048/2023

Bom i Rolvsvåg industriområde

01.06.2023 Formannskapet:

Handsaming i møtet:

Rådmannen si tilråding vart vedteken med 7 mot 2 røyster.

For rådmannen sitt framlegg	Imot rådmannen sitt framlegg
Knut Harald Frøland (Bl)	Odd Arne Haga (Frp)
Martin Haugen (Bl)	Øyvind Strømmen (MDG)
Lena Tveit (Bl)	
Gunn Totland Moss (KrF)	
Jon Magne Borgevik (Ap)	
Oskar Røen (MDG)	
Monica Tjønnå (Uavh)	

FORM- 048/2023 Vedtak:

Samnanger kommune avslår søknad frå Samnanger næringsforum om overtaking av administrering av bom i Rolvsvåg industriområde.

Rådmannen sitt framlegg til vedtak:

Samnanger kommune avslår søknad frå Samnanger næringsforum om overtaking av administrering av bom i Rolvsvåg industriområde.

Dokument som er vedlagt:

Til Samnanger kommune

Oppsummering:

Samnanger næringsforum har i brev datert 13.04.2023 søkt om at Samnanger kommune tar over administrasjon av vegbommen til industriområdet i Rolvsvåg. Rådmannen har vurdert saka og finn det føremålstenlege at dei lokale aktørane i Rolvsvåg industriområde sjølve forvaltar ansvaret.

Saksopplysningar:

Bakgrunn for saka:

Samnanger næringsforum har i brev datert 13.04.2023 søkt om at Samnanger kommune tar over administrasjonen for vegbommen til industriområdet i Rolvsvåg.

Kommunen har allerede eit ansvar som vegeigar og bidrar til dei årlege utgiftene knytt til vegbommen. Ved å halde det private næringslivet og det kommunale åtskilt, kan ein unngå potensielle interessekonfliktar og sikre likebehandling av alle aktørar. Det er òg viktig å understreke at kommunen allerede har ansvaret som vegeigar og har utført nødvendige investeringar, som til dømes asfaltering i april 2023 med ei kostnad på høvesvis kr. 96 550 ,- og kr. 183 907,-.

Vurderingar og konsekvensar:

Konsekvensar:

Dersom kommunen tek over ansvaret, vil det krevje auka kontingent, samt innføring av ein serviceavtale i tilfelle kommunen må rykka ut ved feil eller andre problem med bommen, slik at kommunen unngår å pådra seg auka økonomiske utgifter. Dette vil føra til auka månadlege kostnader for brukarane. Det kan også medføre auka behov for administrasjon og vedlikehald av bommen.

Konklusjon:

Rådmannen rår til at Samnanger kommune avslår søknad frå Samnanger næringsforum om overtaking av administrering av bom i Rolvsvåg.